

為江南敏法師所立二教之一，與釋迦經相對。華嚴五教章卷一列舉十種對佛陀一代言教之判釋。盧舍那經，即指華嚴經，乃盧舍那佛隨順法性，自在而說之教。釋迦經，則指法華、涅槃等經，乃釋迦佛應眾生之機根所說權巧方便之教。

與敏法師之二教相關者，係唐代印法師所立之屈曲教與平道教，亦依釋迦佛、盧舍那佛之所說而判釋。此二教間有四種差別：(一)主異，謂教主各別，屈曲教係釋迦化身之所說，故亦稱釋迦經；平道教係盧舍那佛十身具足之所說，故亦稱盧舍那經。(二)處異，屈曲教係於娑婆世界之木樹下、草座上所說，平道教則於蓮華藏世界之寶樹下、金座上所說。(三)眾異，屈曲教係對聲聞與菩薩而說，平道教則對準菩薩與極位之大覺而說。(四)說異，屈曲教僅一方之所說，平道教則賅通十方同說。

據宋代華嚴宗僧道亭之考證，敏法師即唐代越州靜休寺之華嚴宗僧法敏，曾就六十華嚴經著有華嚴經疏七卷；印法師則係敏法師之弟子。〔華嚴經探玄記卷一、華嚴玄談卷四〕

### 【報身】

指佛之果報身：或譯為受用身、應身。又稱第二身。為三身之一，四身之一。即酬報因位無量願行之報果，為萬德圓滿之佛身。亦即菩薩初發心修習，至十地之行滿足，酬報此等願行之果身，稱為報身。如：阿彌陀佛、藥師如來、盧舍那佛等，皆為報身佛。報身以大智（無分別之聖智）、大定（無作意）、大悲（能拔救眾生之苦）為其體，具有無量色相，及十力、四無畏等無量功德與樂相。

據大智度論卷九所載，佛有法性身、父母生身之二身，法性身遍滿十方虛空，相好莊嚴，有無量光明及無量音聲；同書卷三十舉出佛身有真身、化身二種，真身遍滿虛空，其說法之音聲亦遍及十方無量世界，然僅有十住菩薩能以不可思議方便智力而聽受之；卷三十三舉出法性生身、隨世間身二種，法性生身常有無量無數阿僧祇一生補處之菩薩為其侍從。凡此皆指佛之實報身而言。

天台家於報身之內證與外用中，就受用之義，將報身分為自受用報身、他受用報身；又就報身及其所居之土，分為真報身土、影現報身土。真報身土乃為地上菩薩所現，為證道（諸佛所證之實理）之報身土；而影現報身土乃特為地前之人所現，為教道（方便示教之道）之報身土。法相唯識家所說三身中之受用身，即與此同義。

又據梁譯攝大乘論卷下、梁譯攝大乘論釋卷十三載，諸佛之淨土及菩薩聽受大乘法或為他說法而受法樂，皆以佛之報身為其因，皆由報身所成。大乘同性經卷上相對於穢土成佛為化身，謂淨土成佛為報身，即諸佛淨土係以報身為因而顯現之意。

法華經論中以佛性為法身，佛性所顯者為報身，化眾生者為化身，係依開本合跡之

義；攝大乘論中合佛性及佛性所顯者為法身，化菩薩者為報身，化二乘者為化身，係依開跡合本之義。

### 【報身五相】

指報身具有說法、可見、諸業不休息、休息隱沒、示現不實體等五相。(一)說法相，謂報身為眾生而說法。(二)可見相，謂報身有可被他人得見之相好。(三)諸業不休息相，謂報身攝化利物等之業不滅。(四)休息隱沒相，謂報身隨機感而示現入滅之相。(五)示現不實體相，謂如應化身，示現不實之報身之體。〔寶性論卷四〕

### 【三身】

身即聚集之義，聚集諸法而成身，故理法之聚集稱為法身，智法之聚集稱為報身，功德法之聚集稱為應身。

唐代之飛錫以一月之月體、月光、月影譬喻佛之法、報、應等三身。(一)月體，比喻法身，蓋法身為常住之理，不遷不變，能生諸法，統攝萬事；猶如月體在天，其影含於眾水。(二)月光，比喻報身，報身為寂照之智，智無自體，依理而發；猶如月光之照臨萬象，一切明了而無差謬。(三)月影，比喻應身，應身係變化之用，用無自性，從體而生，有感則通，無感則止；猶如月影，有水則現，無水則隱。然此三者原為一體，其形雖異，質則實一。〔念佛三昧寶王論卷中、卷下〕

(一)十地經論等諸經所說之三身，即：(1)法身，為證顯實相真如之理體，無二無別，常住湛然，稱為法身。(2)報身，酬報因行功德而顯現相好莊嚴之身。(3)應身，順應所化眾生之機性而顯現之身。

(二)金光明經所說之三身，即：法身、應身、化身。依合部金光明經卷一之三身分別品載，如來昔在因地修行中，為一切眾生修種種法至修行滿，因修行力故，得自在而能隨應眾生現種種身，稱為化身。又諸佛如來為令諸菩薩得通達，並體得生死涅槃一味，以為無邊佛法而作本，故示現此具足三十二相、八十種好、項背圓光之身，稱為應身。為滅除一切諸煩惱等障而具足一切之諸善法故，唯有如如智，稱為法身。前二種身為「假名有」，第三身為「真有」，乃為前二身而作本故。又依金光明經言，法報之兩佛是其真身，為化眾生而示現佛身，相好具足、威光殊勝，稱為應身。佛隨眾生現種種形，或人、或天、或龍、或鬼，如同世之色像，稱為化身。

禪宗六祖慧能以自性來解釋三身：(1)清淨法身佛，謂吾人之身即是如來法身，故吾人之自性本即清淨，並能生出一切諸法。(2)圓滿報身佛，謂自性所生之般若之光若能滌除一切情感欲望，則如一輪明日高懸於萬里晴空之中，光芒萬丈，圓滿無缺。(3)自性化身佛，謂吾人若能堅信自性之力勝於一切化身佛，則此心向惡，便入地獄，若起毒害之心，便變為龍蛇；若此心向善，便生智慧，若起慈悲之心便變為菩薩。

### 【三身華梵】

(一)法身毘盧遮那如來：毘盧遮那，意為遍一切處。法身性相常然，真如平等，身土無礙，遍一切處。(二)報身盧舍那如來：盧舍那，意為淨滿。報身諸惑淨盡，眾德悉圓，內以智光照真法界，即[自報身]；外以身光照應大機，即[他報身]。(三)應身釋迦牟尼如來：釋迦牟尼，意為能仁、寂默。寂默故不住生死，能仁故不住涅槃，隨機普現，說法利生。〔妙法蓮華經文句卷九下〕

### 【三身遍相】

《華嚴經隨疏演義鈔》卷八，以虛空、日光、日影三者比喻法、報、化三身，即：(一)法身：如虛空遍，謂法性之身本體周遍，譬如虛空，無有障礙。(二)智身：如日光遍，智身即報身。謂究竟始覺之智能遍破無明之暗，顯發本有真身，譬如日光，無幽不燭。(三)色身：如日影遍，色身即應身。能從體起用，遍應眾機，譬如日影，不擇高下，隨處映現。

### 【受用身】

三身之一，四身之一。指圓滿一切功德，住純淨之土，恆受用法樂之身。諸家對受用身之解釋各異，如：(一)唯識宗謂受用身即為佛身，其自身能受用廣大之法樂，並能令其他眾生受用法樂。受用身復可分為二：(1)自受用身，為佛自受用法樂之身。即實智身，係與大圓鏡智相應之無漏的第八識所變現；乃歷三無數劫，積集無量福智，修自利之行，生起無邊真實功德，及極妙圓淨之常遍色身，而自受用微妙之喜樂。此身有酬因所感之義，故亦稱[報身]。(2)他受用身，係佛之平等性智所示現之化他的微妙淨功德身。佛以大慈悲而應十地菩薩之根性，示現十重之相海，居於純淨佛土，現身說法，令諸菩薩受大乘之法樂。佛為初地菩薩所現之形相為百葉臺上之身；為第二地菩薩所現者，為千葉臺上之身；乃至為第十地菩薩所現者，為不可說不可說臺上之身；其一葉即三千大千世界。十地大菩薩歷三無數劫，修利他之行，滿足所證之色等化身；為眾生現種種形，說種種法，而受大法樂，稱為他受用身。此身有應身示現之義，故亦稱應身。

### 【四種法身】

法身，意為法之身，即佛所說之正法、佛所得之無漏法，及佛之自性真如如來藏。密教將大日如來之法身分為自性法身、受用法身、變化法身、等流法身等四種。略稱四種身、四身。(一)自性法身，謂諸佛之真身，理智法性，自然具足，常住法身三世常恆，為從身流出之菩薩眾說三密之法；因其自體法然，且係無為之作業，故稱自性法身。此法身又有理、智之別，法界諸法，體性寂然，法爾不改，稱為理法身；一切之法，互相周遍，冥理同理，稱為智法身。(二)受用法身，分為自、他二種。(1)自受用法身，理智相應，自受法樂；即與上之智法身同體。或謂法然本覺之智，稱智法身；法然始覺之智，稱自受用法身。(2)他受用法身，為十地菩薩所現之法身。乃以加持之受用身應現十地，傳說法身之內證；雖有十重之別，然皆為法性所流，而令他受用，故稱他受用身。(三)變化法身，為初地以前之菩薩、二乘、凡夫所現之丈六應身。此應身為八相成道，

轉變無窮；且緣謝即滅，機興則生，亦是法爾之作，故稱變化法身。而內說祕密，外宣顯教之一代百億教主，即為此等法身。(四)等流法身，為九界隨類之身，非為佛身，或有佛形，然為無而忽有、暫現速隱之佛，故攝於等流身，平等流出，九界等同。〔顯密二教論卷下、即身成佛義（日僧空海）〕

《翻譯名義集》卷1：

### 【毘盧遮那】

輔行曰。此云遍一切處。煩惱體淨。眾德悉備。身土相稱遍一切處。唯識論云。一自性身。謂諸如來真淨法界。受用變化平等所依。離相寂然。絕諸戲論。具無邊際真實功德。是一切法平等實性。即此自性亦名法身。光明玄云。法名可軌。諸佛軌之。而得成佛。故經言。諸佛所師所謂法也。摩訶衍論云。剋其法身真實自體。湛湛絕慮。寂寂名斷。能為色相作所依止。今問。寂寂名斷安名法身。答法實無名。為機詮辯。召寂寂體。強稱法身。問湛湛之體。當同太虛。答凡所有相皆是非相。覺五音如谷響。知實無聲。了萬物如夢形。見皆非色。空有不二。中道昭然。不可聞無謂空斷絕。

### 【盧舍那】

賢首梵網疏云。梵本盧舍那此云光明遍照。照有二義。一內以智光。照真法界。此約自受用義。二外以身光。照應大機。此約他受用義。淨覺。雜編云盧舍那。寶梁經翻為淨滿。以諸惡都盡故云淨。眾德悉圓故云滿。此多從自受用報得名。或翻光明遍照。此多從他受用報為目。若論色心皆得淨滿。身智俱有光明。則二名並通自他受用也。唯識論云。二受用身此有二種。一自受用身。謂諸如來三無數劫。修習無量福德資糧。所起無邊真實功德。又極圓淨常遍色身。相續湛然盡未來際。常自受用廣大法樂。二他受用身。由平等智示現妙淨功德身。居純淨土。為住十地菩薩。現大神通。轉正法輪。決眾疑網。令彼受用大乘法樂。合此二身。名曰報身。摩訶衍云。所言報身者。具勝妙因受極樂果。自然自在決定安樂。遠離苦相。故名為報。

### 【釋迦牟尼】

此云能仁寂默。寂默故不住生死。能仁故不住涅槃。悲智兼運立此嘉稱。…釋迦牟尼屬應身也。摩訶衍云：所言應者隨順根機而不相違。隨時隨處隨趣出現。非安樂相故名為應。而此應身周匝千華上復現千釋迦。一華百億國。一國一釋迦。故召釋迦牟尼。名千百億化身也。唯識論云。三變化身。謂諸如來由成事智。變現無量。隨類化身。居淨穢土。為未來登地菩薩及二乘異生。稱彼機宜。現通說法。若就應身。開出變化。則成四身。以現同始終名應。無而歛有名化。然此三身之法。或執即義名失三身。或執離義相乖一體。今約三義。通而辨之。一者體用。智與體冥。能起大用。自報上冥法性體名真身。他報下赴機緣用名應身。故光明云。佛真法身。猶如虛空。應物現形。如水中月。而觀世音普門示現。令無涯人獲乎冥顯兩種利益者由此二身也。…祇是一身故曰。吾今此身即是法身。又云。微妙淨法身具相三十二。是知順機則權設三身。就應乃實唯

一佛也。三者事理。觀經疏云：佛本無身無壽，亦無於量。隨順世間，而論三身。

唐慧琳《法苑珠林》卷 20：「故華嚴經云。盧舍那佛報身如來所王之土復過是數。盡十方界非凡所謀。故梵網經偈云：我今盧舍那，方坐蓮華臺；周匝千華上，復現千釋迦；一華百億國，一國一釋迦；各坐菩提樹，一時成佛道。」<sup>1</sup>

《大方廣佛華嚴經》卷 1〈世間淨眼品 1〉：「與如是等諸菩薩俱，皆是盧舍那佛宿世善友；一切成就功德大海，諸波羅蜜周滿普照，慧眼清淨，等觀三世，於諸三昧具足明淨；辯才大海深廣無盡，普現諸佛功德光耀；善知一切眾生心行，如應調伏，以金剛智普照境界；同一法性，覺慧廣大，甚深智境，靡不明達，住於一地，普攝一切諸地功德，無上智願皆已成滿，具足如來深廣密教，悉得一切佛所共法，皆同如來行地、德[10]力，一切三昧海門皆得自在，於眾生海如應示現，隨其所行，善能建立。善入一切諸法之海，迴轉總持如來一切功德法海，充滿其身；遍遊一切佛世界海，出生一切淨土願海，悉得諸佛達未來際方便智慧；一切如來坐道場者，普能往詣禮事供養，悉得一切普賢願海，於諸眾生智身滿足。」<sup>2</sup>

《大方廣佛華嚴經》卷 4〈盧舍那佛品 2〉：「盧舍那佛遍十方，出一切化莊嚴身。」<sup>3</sup>

《大方廣佛華嚴經》卷 7〈菩薩雲集妙勝殿上說偈品 10〉：「妄取五陰相，不了真實性，是故不見佛。分別一切法，皆悉無真實，如是解諸法，則見盧舍那。無明故不見。」<sup>4</sup>

《大方廣佛華嚴經》卷 8〈菩薩雲集妙勝殿上說偈品 10〉：「能知真實佛，及佛之所說，普見一切世，如佛盧舍那。」<sup>5</sup>

《大方廣佛華嚴經》卷 32〈如來相海品 29〉：「如來有大人相，名化海普照雲，妙寶蓮華如須彌山王，出生無量寶光明海，佛意所起、盧舍那所化，出生無量一切化海」<sup>6</sup>

《大方廣佛華嚴經》卷 36〈寶王如來性起品 32〉：「盧舍那佛本願力故，法如是故，善根力故，如來無盡智故，如來不失時故，隨其所應化菩薩故，廣行普賢菩薩行故，示現一切種智故。」(CBETA, T09, no. 278, p. 630, c22-25)

《大方廣佛華嚴經》卷 50〈入法界品 34〉：「見知未來彌勒佛等一切諸佛，現在盧舍那佛等一切諸佛，亦復如是。」(CBETA, T09, no. 278, p. 717, c18-19)

《大方廣佛華嚴經》卷 53〈入法界品 34〉：「見盧舍那佛坐此樹下，與不可說佛剎微塵等大菩薩俱，皆悉具足普賢菩薩一切所行，住菩薩住，無能壞者。又見一切世界諸王，圍遶如來；」(CBETA, T09, no. 278, p. 732, a22-25)

《大方廣佛華嚴經》卷 68〈入法界品 39〉：「十方剎塵內，悉見盧舍那，菩提樹下坐，成道演妙法。」(CBETA, T10, no. 279, p. 370, c23-24)

<sup>1</sup>(CBETA, T53, no. 2122, p. 431, b18-24)

<sup>2</sup>(CBETA, T09, no. 278, p. 395, b19-c5)

<sup>3</sup>(CBETA, T09, no. 278, p. 414, a23-24)

<sup>4</sup>(CBETA, T09, no. 278, p. 442, c3-17)

<sup>5</sup>(CBETA, T09, no. 278, p. 443, b28-c1)

<sup>6</sup>(CBETA, T09, no. 278, p. 601, c15-18)

《大方廣佛華嚴經》卷 69〈入法界品 39〉：「盧舍那如來，道場成正覺，一切法界中，轉於淨法輪。」(CBETA, T10, no. 279, p. 372, c27-29)

唐菩提金剛《大毘盧遮那佛說要略念誦經》卷 1：「復次別觀諸聖。謂如前八葉妙華中。觀一阿(上)字作是思惟。諸法不生本性寂故此真實義。從字而轉成盧舍那。諦觀如來結跏趺坐作三昧相。如閻浮檀微妙金色。素疊被身髮髻垂肩以為頭冠。於圓光內無量佛刹。及諸佛會皆於中現。光明遍照盡眾生界。遇斯光者隨性開曉。如朝日光觸於蓮華皆悉開發。如來三輪遍一切處常住不滅。是故無生◇(a)阿字從心而轉成如來身。若於此中樂觀釋迦牟尼佛者。彼蓮華座想一◇(ba□)婆(上)字。具一切色起如來身。諦觀佛身猶如紫金。三十二相八十種好。被赤袈裟跏趺而坐。千百億身皆此字轉。依盧舍那本體流出。」(CBETA, T18, no. 849, p. 58, a1-13)

唐不空《大慈大悲救苦觀世音自在王菩薩廣大圓滿無礙自在青頸大悲心陀羅尼》卷 1：「此是清淨圓滿報身盧舍那佛本身。須用心勿令放逸。」(CBETA, T20, no. 1113B, p. 499, a29-b1)

唐不空《大乘瑜伽金剛性海曼殊室利千臂千鉢大教王經》卷 1：「一者毘盧遮那法身本性清淨。出一切法金剛三摩地為宗。二者盧舍那報身。出聖性普賢願行力為宗。三者千釋迦化現千百億釋迦顯現聖慧身。流出曼殊室利身作般若母為宗。」(CBETA, T20, no. 1177A, p. 730, a20-24)

唐遍智《勝軍不動明王四十八使者祕密成就儀軌》卷 1：「本體盧舍那，入遠成正覺；法身遍法界，智慧同虛空。」(CBETA, T21, no. 1205, p. 35, b16-18)

唐不空《千手千眼觀世音菩薩大悲心陀羅尼》卷 1：「婆盧吉帝室佛羅嚧駄婆(此是圓滿報身盧舍那佛)。十一)南無那囉謹墀(此是清淨法身毘盧遮那佛本身)。」(CBETA, T20, no. 1064, p. 116, b20-22)

唐一行慧覺依經錄宋普瑞《華嚴經海印道場懺儀》卷 1：「清淨法身毗盧遮那佛、圓滿報身盧舍那佛、千百億化身釋迦牟尼佛」(CBETA, X74, no. 1470, p. 145, b11-13 //Z2B:1, p. 144, d11-13//R128, p. 288, b11-13)

唐李通玄《華嚴經合論》卷 2：「如華嚴經毗盧遮那佛三十二相入涅槃，佛俱實理事無二不壞法身，而隨相海無量無盡，即相即性即報即理，如光、如影，自在無礙，且略明權實」<sup>7</sup>

《華嚴經合論》卷 6：「如華嚴經中實法界海即不如是如法華經云：吾從成佛已來經無量阿僧祇劫，此即是迴彼三乘人就實而論，此毗盧遮那佛依本法界成大菩提，還依本法界無始無終、不出不沒、無成無壞、無有時分，此經云：如來不出世，亦無有涅槃，此為實說。又頂著華冠，本非出家，都無八相之事，若有人能知如來不出不沒、不成不壞、即知如來常住在世，常轉法輪，即是毗盧遮那出興於世」<sup>8</sup>

<sup>7</sup>(CBETA, X04, no. 223, p. 21, a6-8 // Z1:5, p. 341, c2-4 // R5, p. 682, a2-4)

<sup>8</sup>(CBETA, X04, no. 223, p. 51, a24-b8 // Z1:5, p. 371, c11-d1 // R5, p. 742, a11-b1)